



832622

晴漪閣詩



光緒丁亥辰月
開雕板藏本宅

自序

先君子篤於經世稱樸學余不克承從事詞藻罪也然
使深自諱匿終不示人罪曷以彰乎丁亥春仲校刊
先人集既竟自念所學恧然增慚因方生伯融請編次
舊稿漫爲存之使余罪顯暴於眾且示後人俾以爲鑒
有謂余妄思自見者余不以爲知言克劬日記

自序

晴漪閣詩卷一

丹徒 陳克劬

子勤

葛三集

詩可存乎少作盡棄之矣可不存乎憂患餘生洵遭
變故非詩無以爲誌收拾零章略紀流離之况黎侯
失位窮士無家其感一也故存詩自癸丑始

雜詩三首

彪虎在夷途機檻易以濯蛟龍一失水乃爲鰕蟹欺威
德豈不崇失勢將安爲君子處亂世凜凜慎禍機刀鋸

晴漪閣詩一

不善藏自割將怨誰所以古達人蓄念常守雌處險而
忘危毋乃非所宜

屈刀可爲鏡不能持作錢眈眈爾何爲此壑吾難填世
情競貪鄙謂此可妄干玩彼繞指柔嘗試非一端誰知
千金體秉質素貞堅當復化爲刀凜凜光燭天陸斫狒
與羆水斷蛟與龜

蛇蝎穴陰崖螫人其本性泮水有文鱗芹藻適游泳
彼託迹殊詎謂有同行滄波一蕩越天地失其正遂令
南池魚北與羣醜並奢心肆貪唾族類那復問弱肉我

不辭天親君試認

送別羅耦廉

志讓

表兄

憂患吾徒事。茲行莫漫嗟。重幃方健飯。八口待爲家。舟楫江湖闊。烽煙道路賒。雁行憑慰藉。辛苦久天涯。謂令兄蘭生

秋夜

徑蟲悽切井梧凋。客舍秋聲又此宵。心緒不知何處著。篝燈夜起讀離騷。

寄懷張晴舫

溶

晴漪閣詩一

二

索居無歡悰。明月空自好。流輝入窗戶。輾轉傷懷抱。美人隔千里。良夜同浩浩。惜哉三五夕。歡樂竟難保。風塵困貧賤。吾儕就衰老。坐此懷百憂。况兼悲遠道。

蟋蟀在牀戶。星漢西南流。元蟬逝無影。庭樹風颼颼。羲馭無停輪。歲月不暫留。故人去我久。相見夫何由。范金爲兩鐘。形異響則侔。以我相憶心。知君坐煩憂。滔滔江漢波。欲濟無輕舟。矧此烽火夕。晤言安可求。

風林無靜柯。急瀨無恬魚。丈夫處亂世。貧賤將何如。我有堂上親。菽水當躊躇。君俯育妻子。母乃爲飢驅。北風

海上來吹我衣間襦念君在異地奈此節序徂有生同
勞勞君爾我亦俱願言慎眠食無損千金軀

十五吾就傅與君爲新知二十君別去惆悵令心悲年
來得好會謂愜素所期三載未盡歡今君又乖離豈惟
惜乖離言動誰相規自君去我後吾過日以滋夢想見
君形覺後無由追俯觀急水流仰視浮雲馳二物本無
定安能憑致詞

江上喜晤吳在埏

埏

生涯驚浩劫萬事任浮沈忽遇平生友難爲此夜心風

晴漪閣詩一

三

霜容鬢改鐙火話言深明發扁舟去茫茫不可尋

過輿化見河濱廢冢有感

濱河攢廢冢冢破骨纍纍身後只如此余生從可知賢
愚誰復辨收瘞正無時感此懷鄉土時艱不可期

沙溝道中

泥淨波澄昨夜霜最彎環處最蒼涼病蘆畱葉鳴殘雨
髡柳餘青弄夕陽船近浴壘先避檝風高過雁不成行
余生飄泊方無定雲水何由占此鄉

秋興二首

呆音淳思音思屏也

霜降林葉稀秋色在場圃青蔬間秔稻一一若可數農
人事收穫夕照聚三五年豐多好懷情話兼爾汝新稼
嫁娶釀舊禮鄉會舉坐此忘式微悠然臥南戶

靜夜坐虛牖新月入我幃視聽一以寂思心轉依依秋
至萬物肅驕陽無留暉物理固如此余生行安歸所貴
各有託一洗去者非至道苟無心高步焉所希哀蛩鳴
暗壁鄰家方杼機余亦廢宵寢眷言懷絕韋

早春感懷

蓬門連夕雨深坐靜呆思春氣來無迹疇心忽感之冥

晴漪閣詩一四

冥鐘度遠漠漠鳥飛遲三十成何事孤生轉自疑

望京峴山有感

京峴山頭鐵騎馳疇人東望不勝悲關心溝壑憂生淚
滿眼旌旗敵愾時萬里飛芻勞轉餉三年堅壁駐全師
將軍自喜能持重太息蚩氓總未知

避寇村居近三歲矣乙卯春遷地海安即次有作

築室都從水半偏民居濱河皆在北岸也稱塵肆也林泉晚津客

舫輸秋稻地通下河為米穀聚處曉市腥風上海鮮旅食略嫌鄉

味改卑棲暫得起居便此來不為魚鹽利地濱海有魚鹽之利回

首家山一惘然

高郵萬芸卿老年失志作伏櫪圖以寄意爲題此

詩

蹴踏風雲萬里開九天閭闔騁龍媒眼中餘子俱轅下
曾是羣空冀北來
憔悴鹽車因此身歸來頭白獨傷神祖生壯志曹公淚
不信千秋有替人
秋風鼙鼓動江城夕照蒼茫畫角聲定有雄心銷不得
坐看長劔氣縱橫

晴漪閣詩一

五

我亦風塵絕賞音爲君之故重沈吟淒涼棧豆窮途裏
二十年來感遇心

棄婦篇

好月不常滿流波無重回爲婦被棄捐委落同枯艾君
子申信義三載親結襦旣得託仁宇永謂親光儀整我
玳瑁簪潔我翡翠帷膏沐不時御爲君修容姿君癢妾
搔背君飢妾視炊君坐侍茵席君行隨履綦君喜共愉
悅君怒同悽悲身影兩依附清濁誰見嗤長風從西來
比翼吹參差時節一朝異言語乃致危霜威厲嚴冬勿

復回春熙夾道蕙蘭花下堂不能顧昔年從此來今日
從此去妾來蘭蕙芳妾去荆棘長含冤不用白所慮君
淒涼君意本相親棄捐由妾命君聽偶不聰豈謂出本
性不惜棄妾身懼傷君子情管蒯雖見遺君豈忘平生
文軒臨玉墀昔時燕坐處今應以妾故寂寞當日暮流
蘇寶象牀鴛鴦昔雙宿今應以妾故明月照單獨席上
鸚鵡杯壁間文綺琴俱應以妾故流塵日相尋蘭房深
窈窕畱待新人入願言勝故人母使君意失百番拂君
意豈無一日好醜行在君心勿爲他人道他人萍水儔

君妾昔綢繆他人鄙妾行亦復爲君羞廣袖合歡襦昔
時君家物持歸不忍澣上有君手澤寶鏡玉龍纏妝臺
舊繡奩貽畱照新人似妾依君前君爲楊柳枝妾心楊
柳絲搖落有時遇纏繚無盡時

六月十三日舟行往如皋未至十餘里艤櫂河干
忽暴風雨拔樹破屋岸旁室廬大半傾圮時片
刻前猶天無纖雲也目睹奇異有慨於中率爾

成詠

水市收帆尙夕暉無端昏霧壓危磯一川過雨聞龍氣

萬瓦經風作蝶飛，倚榜有人遙結想。
破巢羣燕欲何依，杜陵茅屋仍完否。
對此茫茫歎未歸。

蒿里行哭適茅姨母

黃蒿蔽冢何冥冥，下有死者不可醒。
風吹鬼火飄如星，千秋萬古成杳冥。
昨日送葬來今日，蔓荒草死抱沈憂。
人不知生銜苦志疇能道，半世持門戶。
四年愁戰爭，子婦尚虛舍。諸孤名未成，一朝埋骨歸佳城。
地老天荒無復情，幽泉重壤閉今日。
雲窗霧閣思平生，思平生不堪說。東逝波西墜月。

晴漪閣詩一 七

驚聞業師猗谷母舅哀耗

師張姓諱崇蘭號悔廬

驚定忽成痛，茫然仍自疑。
斯人真不作，天意竟安知。
旅櫬今焉寄，兵戈正此時。
傷懷無限意，詎獨爲恩私。

述哀八章

有序

猗谷母舅今之完人，其生時行誼與身世遭逢，非筆墨所能罄。茲特自述其哀情而已。詞旨不文，不足言詩。率成八章，亦曰歌以當泣云爾。

累月哭所親，眼枯心已折。
余姨母及外姑俱以前數月逝悲餘獲凶問，那更說腸結。
哀哉夫子仁，蹇矣余命劣。
廿載荷恩私，一

且成永別帝闈不可開呼天徒愴絕

我生幼孤露躑躅傷窮鱗君子重一諾施惠乃畢生

嚴先

易簣時以克劬兄弟為屬舅毅然任之故克劬裁成輔

兄弟幼倚外家賴其飲食教誨者近二十年翼之教育常並行豈無恩威殊天地止一仁遂令孱兔

絲薄植得所成夫子今已矣此意將焉陳

人生悲聚散而我更重之詎以平生親聚散乃不悲少

小荷仁育中道成乖離暫別且不可矧乃無見期生時

期古人相待恆若斯屬望在情性文字猶贅詞所嗟不

肖軀未能隨轉移留此長恨端緬懷無盡施

晴漪閣詩一 八

油雲起岱宗恬波引滄海潤物功不居物敢忘澤愷常

持一寸心不謂可中改自離師門去刷羽振餘彩每懷

卵翼仁如喉梗斯在當時未能報自念將有待今更何

所期冥冥百年內

昔我徙江北告別侍容徽似知聚首難相見色慘懷亦

復強勸行知我生事違慰勉有餘意惜別無贅詞自從

渡江來此情常依依私心自揣論所願寧終乖誰知二

三年回首萬事非存者懷感傷九原寧見知

去年聞示疾省視值冬昏今年迫狂寇余乃災病纏常

恐崑岡然。玉石無畱根。那更蹈危疾。萬蹇同一屯。我友從南來。云自夫子門。動色急相問。顧我拙語言。遲久得所告。心悲安可論。哀哉兩夕前。猶爲縈夢魂。

吁嗟平生意。高厚我獨私。屬纊視含殮。乃在新相知。易

賈時寇氛正。惡村人竄。幾盡門下。歐陽生以守戶獨畱。得與殯殮事。新陰庇其根。故葉長

辭枝。余生實負恩。敢謂勢莫爲。頂踵不爲竭。畱此將遺

誰。雖云道路難。能勿慚恨滋。

白日不照地。皓天何茫茫。驚風飄去影。石火無畱光。爲

善不庇身。令名空復揚。孤嫠一息存。嗣子昨已殤。私恩

晴漪閣詩一

九

且勿道。顧此豈不傷。慘愴素秋節。中夜起徬徨。

春夕有懷

小雨動連夕。春光一半殘。窗遮梧葉暗。門閉杏花寒。獨

客驚遷序。遙情憶古歡。相思不相見。倚徧小闌干。

惜花人篇

惜花人。千萬思。淚眼看花花落時。落花一去無返枝。淚

亦不可盡。思亦不可道。風雨無情送落花。花林一夜渾

如掃。千萬買深色。一朝繁豔空。百種嬌柔畱不住。落花

流水分西東。願作根下土。不願作枝上香。土薄猶能埋

豔骨香多枝上徒飄揚。飄揚兮奈何。悵從風兮無依縱。
明年分花發。豈今日之芳菲。盼重來兮難保。况花開兮
人老。繫鏡裏之朱顏。能幾時兮常好。昨日花繁心賞。遣
花殘今日淚沾衣。不如化作絲千縷。綰住花枝不放飛。

金沙贈虞月溪

答

伯生老詞客。風調劇清新。春雨江南夜。相逢意氣真。飛
鳴他日事。潦倒暫時人。莫漫悲長鋏。吾徒例苦辛。

清明日招集同人寓齋小飲月溪卽席有贈率賦

奉酬

晴漪閣詩一

十

抑塞奇才邁等倫。嗟君似我竟常貧。塵沙慣蹙長途足。
江海能容一代人。對酒當筵芒角射。論交傾蓋性情真。
天涯有幸萍蹤合。莫厭鐙前獻酢頻。

未能投轄若爲情。情似春流不可平。一夕淹留成聚散。
百年良會幾清明。中宵懷抱愁風雨。早歲詞場識姓名。
月溪詞宗迦陵往日。見其題詠卽心契之。便欲移家近元八。綠楊三徑共聽鶯。

粵賊蹂巨村。歐陽蕙榮繼妻攜幼子奉姑及夫避。
賊溪上賊迫婦婦不辱與幼子俱投水死羣賊

相顧散去同舟賴以獲全余矜其烈作此七解

幼不必保姆訓長不習內則儀獨完大節人稱奇婦出

至性耳奇節何曾知解一奇節不曾知婦心知有夫婦知

有夫上有姑姑老夫病不可與賊遇賊至不避胡為乎

解二扶將出里門牽船就中泚姑夫共一舟乳下襁褓子

旌旗搖搖照河漢賊氛已逼蛟溪水解三同舟震懾婦出

不驚皚然冰雪婦心自明上有高高青天照我之白耳

下有澄澄無滓鑿我之碧泓爾賊勿相逼我與此水盟

解四與水盟慮深遠珠早投玉無染母沈淵兮子難緩波

晴漪閣詩一 十一

湯湯兮共旋轉羣賊愕顧走且散姑夫倉皇已幸免解五

吁嗟烈婦奇節不知成此奇節眾樂道之道言烈婦解六

氏女歐陽蕙榮繼室妻前婦有子早寄外家去不使覆

巢之下無子遺己身己子乃得就死甘如飴解七吁嗟烈

婦傳播眾口烈婦不知奇節播眾口惟願己死全家生

母使姑夫兩蒙垢吁嗟奇烈千古此婦解八

韓在辛光胸室馬孺人遇賊烈死作此唁在辛

驕陽焰裏寒冰雪多少鬚眉愧未能不作青陵烏鵲看

也知難遣是韓憑

寄懷虞月溪

白露降當夕。悵然懷月溪。月溪平生友。此際各東西。君家溪上月。照我池邊樹。千里共清輝。三秋阻良晤。良晤不可展。月華空復明。月明有如此。月落難爲情。含情立金井。月沒露華冷。仰首孤鴻飛。迢迢河漢影。河漢映溪流。憶君溪上樓。涼風衣袂薄。念我應懷憂。雲山兩京路。聞欲上書去。君達余所期。君行安得住。君住已云遠。君行遠可知。思君不可道。况復君行時。寄書附雙翼。問訊城西客。應以相念心。知余耿相憶。

晴漪閣詩一 五

題月溪味蓼軒詩集

被酒不成寐。披衣誦君詩。疏鐙耿殘宵。百感良在茲。展卷一再過。寡鵠鳴哀絲。幽情聞苦緒。往復悽肝脾。我生迫窮愁。心苦無好思。嗟君胡亦然。異植而同枝。四壁長卿貧。杜牧三生癡。遭逢共一轍。坎壈明聖時。讀君惆悵詞。識君愁數奇。高風木葉脫。仰視霜天悲。語君且勿悲。遇合自有期。蓼苦暫安受。我與君同之。

贈賈海雪卽題其蕭艾集詩

賈生倜儻才不羈。妙擅眾技尤工詩。別來六載一相見。

意氣昂藏仍舊時談笑詼諧酒戶大跌宕神宇軒鬚眉
新詩示我錦相似意匠獨出無前規語羞雷同絕依傍
獨藉靈氣相扶持三唐兩宋間出入偶爾合轍非規爲
晚出憂幽變騷雅杜老哀時紛涕洟一編往復有深痛
令我俯仰悽肝脾思君昔在治平日風流文采何翩其
好古夙具米顛癖丹青不讓長康癡騰踔騷壇振風雅
東南人士羣相推夢溪溪南好煙月君家正在溪之湄
招邀觴詠集儔侶文讌往往成酣嬉一篇脫稿老成羨
萬言下筆神鬼疑高吟直欲壓元白况乃餘子紛卑卑

晴漪閣詩一 七

衙官何人致屈宋簿書吟卷行相隨

君參贊府事

從公如此

致不惡百年快意良在茲今君胡爲困塗泥行苦風雨
坐苦飢煙塵瀕洞陵谷移勝地一一穴燼濯咄哉甕城
生魅魍徒步走出身瀕危出人生死不自恤乃爲四境
哀瘡痍一枝秃管日杼寫定有老淚橫交頤我初識君
年正幼詩格未解籥籥窺師門濫廁筆硯末君嘗學詩
悔廬先生
竊喜驂靳隨駟驪江山文藻日在眼勝流名宿心相知
今茲相逢亂離際回首萬事電影馳眼中老輩幾人在
况復宿草悲吾師得君相從意良愜謂言往事猶堪追

金沙城中一月聚，詎料倏忽成乖離。別來祇覺懷抱惡，意致恟怍如有遺。憶君聊復把君集，暫慰詎免長相思。思君愛君贈君以自愛，此意當不爲君嗤。榛蕪蕭蕭莽不治，申椒易雜蕘荼施。芳草變艾古所歎，君以名集意在斯。但保此意無參差，何物於爾能磷緇。美人娟娟質不虧，子善窈窕余所儀。相逢他日江之涯，與君高吟澧蘭沅芷之清詞。

秋懷寄錢剛叔

楨

所思不可見，憔悴對秋林。白露降連夕，離憂黃葉深。雲

霄無近色，鴻雁有哀音。未易同朝夕，迢迢千里心。

再柬剛叔

搖落素秋節，涼風日夕多。余懷渺天末，君子近如何。訊以殺青簡，因之勞者歌。煩將此時意，一爲證江波。

憶昨泛春舟，金沙數月留。賓朋盛文讌，風雨共銷憂。自返吳陵櫂，相思白露秋。栖栖兩難慰，亂世有身謀。

寥落侯門鉞，淒涼旅市簫。與君同一慨，高館坐無聊。身世文章誤，因循壯志銷。祇將貞白意，歲晚共相要。

年來耽苦吟，之子擅清音。四壁寒蟲動，三秋脫葉深。應

多篋中作一寫此時心寄我母辭遠思君正不任

以書柬戴小農率題紙尾

小農名啟寶

漫天風雨悵窮居鴻雁南來九月初憂患不堪中歲集
生涯况是劫灰餘艱難時節儒冠賤軒蓋交游問訊疏
嵇呂平生同意氣一緘讀罷意何如

晴漪閣詩一

五

受業定遠方燕昭校刊

晴漪閣詩卷二

丹徒 陳克劬 子勤

塵海集

明月揚州古人行樂地也僕以窮愁避地奔竄海隅

歷碌飢驅往來邗水雖鶯花煙柳同此名區而欣感之故人已異焉存茲篇什用驗生平茫茫塵海之中剝蝕性情不少矣

虎墩送戴眉伯經農之館海上

草草出門去如君亦可憐
依人成旅食別我問前川
海

晴漪閣詩二

氣千家雨晴天萬竈煙此邦風土異去矣慎餐眠

春陰泥人孤懷難遣效何大復明月篇體爲春陰

曲以寄情得二百八十字

春寒著人如潑水擁被不知殘睡美起來寧慢盼朝暉
墮地溼雲飛不起海棠一樹嬌春寒幾日春晴惜粉乾
陰多又壓玉肌損零落一庭紅雨殘鶉姑多事聲相喚
喚起春愁如雨亂不語斜窗對落花燕子微聞替花歎
此時何處不傷春何處傷春不損神綠楊津外扁舟子
紅杏樓頭帶酒人君行江上蒙春霧妾上江樓望江樹

樹長江遠望難通。惟有分明夢來去。夢魂一夜到江南。
妾意君心兩不堪。有恨綠波添曉漲。無情煙樹隱春帆。
沈沈江上春帆重。帆遲苦被風吹送。行人望斷最高樓。
遠水遙山寂如夢。卻憶高樓紅粉妝。鴨鑪坐燼水沈香。
攪愁百丈游絲重。惹恨千絲煙柳長。千絲百丈紛難理。
儂亦閒情坐相似。白雲迢遞望何窮。紅豆相思渺難已。
閒齋寂寞下簾櫳。故故欺人曉院風。散帙連編走紅蠹。
啟窗方網罥青蟲。一般有恨和誰訴。永晝迢迢等閒度。
竟日傷春春不知。流鶯啼過桃花去。

晴漪閣詩二

二

○明皇秉燭夜游圖效高季迪

曉鐘不入重幃裏。三郎宮中常晏起。無愁天子愛宵游。
昨夜笙歌醉花底。天寶年間倦萬幾。且從歌舞事宵衣。
霓裳奏出憐妃子。御樂教成奉阿姨。朝歡暮樂無閒暇。
欲把千金買春夜。熒煌萬炬星月流。下地高天光互射。
花萼樓前花氣冬。美人顏與花爭醄。滿天風露不知冷。
酒漿漉液成春波。餘光近侍分偏渥。玉燭廷臣望若何。
早朝暫輟親宣敕。銀箭催殘歡未極。彩霞百道散宮庭。
不使紗窗添曙色。可惜龍膏耀夜深。光明不照祿兒心。

御園鐙火歌鐘起。薊北雲山烽燧侵。雨昏佛寺埋香玉。
蜀道悲深南內續。已無羅襪在人間。誰寫生綃畱尺幅。
自古繁華易惘然。千秋炯戒在前愆。誰歟覆轍忘殷鑒。
更唱春鐙燕子箋。

宿遷早發

破曉出門去。舉頭山月高。寒風吹木葉。颯颯點征袍。辛
苦歲方晏。艱難身久遭。高堂念游子。今夜夢偏勞。

虎墩同戴眉伯

經農

族弟秋巖

桂琛

東橋步月

好月如故人。相對不厭久。况復月明時。故人共攜手。東

晴漪閣詩二

三

橋便登眺。取徑出桑柳。空明無纖翳。仰睇見星斗。清輝
不可狀。豁達但心受。誰家面橋居。美蔭交夏畝。小立未
忍還。清露湛盈首。

田家秋興

作宦苦未能。息影在林藪。躬耕翠巖下。樂與沮溺耦。荷
鋤乘曙出。夕憇蔭榆柳。縱橫阡陌寬。詎勉歲月久。人力
既已勤。衣食理固有。肯令塵外顏。容易向人厚。
種苗南山下。苗生常苦稀。雨澤一以沃。莫復倚耒寒。
蟬日夕鳴。白露行當晞。秋成在早暮。收刈須及時。腰鎌

詣中田。夕照前山低。卒歲此深賴。勿歎筋力疲。
造物不我私。村村慶豐稔。迢遞秋風中。黃雲千萬頃。余
方勤刈穫。人亦聚畦町。相顧同力作。各自忘日永。曖曖
遠村煙。依依散閭井。時見晚盪人。衣衫出林影。
稻穫雲水淨。出門場圃寬。微聞叱犢聲。牧子煙中還。嘉
穀實高廩。餘穗遺田間。養羞羣羽集。爭粟聲關關。翻嫌
鳥雀忙。不如人意閒。逍遙行曳杖。負手望前山。

夜雨曉更晴。流雲上溪屋。起看園中蔬。一一淨寒綠。東
舍柿已霜。西園棗可撲。卽事固多欣。况乃生意足。山廚

晴漪閣詩二 四

生爨煙。晨炊忽已熟。據案便嘗新。一飽對朝旭。
暝色入閭巷。下學羣兒歸。登堂覓棗栗。相顧情依依。短
桑三百株。霜葉環四圍。中有紡車聲。札札出短扉。昨日
行挈絮。明日成我衣。衣長足禦冬。勿歎霜雪霏。
林隙出燈火。家家響糟牀。黍稌釀初就。鄰里呼共嘗。霜
風襲人衣。新月窺短牆。歡言共斟酌。慰此終歲忙。欸欸
情話多。意愜賓主忘。頽然便歸臥。此樂真義皇。
我本山海人。生性狎原野。開軒對平橋。積水入堂下。偶
然雀羅置。時復釣竿把。農書貽子孫。蜡飲隨里社。不知

天地寬安問身世假皞皞復熙熙庶幾安命者

桐月攜琴圖爲戴眉伯題

纖雲卷盡遙天霧滿地桐陰月光碎秋光大好是深宵
中有幽人抱琴醉抱琴者誰安道倚道高不向王門游
對月一盃彈一曲彈出梧桐枝上秋眼前好景易孤負
我正年年苦奔走尾焦空作不平鳴顏熱徒然向人厚
羨君自謀良獨深有酒便足陶幽襟興來那復計醒醉
惟向玉蟾明此心此心耿耿待誰寫在手七絃知我者
一聲長嘯天地空玉露無聲向檐瀉

晴漪閣詩二 五

寄懷嚴雲階

允升

卽題其獨立小影

矯矯嚴夫子奇光發瑾瑜胸中丘壑滿眼底俗塵無得
意卽狂笑吟詩聊自娛青天有翔鶴遠慕想能俱
門戶空依傍文章孰與儔眾中推獨步筆底有千秋言
念平生友君真第一流祇應無聚散相對共冥搜
往昔京華路相從結契深風塵一爲別江海老秋心各
有勞生事難爲放櫂尋可能對搖落無意歎浮沈
意外得相遇離襟惜又分波寒邗上月夢遠海天雲我
正嗟浮梗君應歎失羣

時君新
喪偶

試參圖畫意翹首欲何

云

秋閨怨

昔記與君別。天天桃李花。坐看秋又至。落葉打窗紗。
白露下銀牀。蟲聲訴夜涼。含情數更漏。從此漸宵長。
鴛帶繡羅衣。從今著更稀。非關惜衣帶。不是舊腰圍。
深夜立苔階。露溼香羅襪。本是怯空房。卻言看秋月。
下階理紈素。脈脈萬重心。腸斷無人識。西風五夜砧。
天際一聲雁。初從邊塞還。音書不可問。何處望刀環。
去歲陰山北。今年弱水西。丈夫千里志。不在念空閨。
夜夜夢君歸。夢回情自苦。今夜更無眠。起來弄機杼。

拜月詞

桂花深院月華流。又是金風一夜秋。解識經年離別苦。
更無情緒拜牽牛。年年憔悴卻因誰。含怨含愁兩不宜。但訴相思不言恨。
隔花低首幾多時。漏轉花陰夜已深。下階無語自沈吟。嫦娥此夕應憐我。
碧海青天一樣心。銀漢迢迢路幾千。也知千里共嬋娟。關山此際情尤苦。

莫向征人照未眠

方生伯融

燕昭

新得拔萃都轉太夫子

字子箴
印濟頤作

詩誌喜依韻示伯融

爲儒讀羣書所志在賢聖學成思致用豈不貴登進君
負邁眾才績學自髫齡程功更三歲掘井窺九軌固宜
早騰驤一日千里并卽今稱小捷未足拓文陣長風無
滯翹急流少停榜他年冠羣英聲價乃益信君家世清
德冠蓋甲一郡生此清粹姿足爲家國慶顧維名與實
旣副益求稱功名良可爲所貴絕輕迅煌煌明祖訓深
心誠驕盛懼以良玉資容易雜沙礫作詩示敦勉勸哉
此定訂養成清廟器誰不歎晶瑩伊余忝師事自願實
醜病敢謂足相成有如弓待檠惟期與吾子共懷此良
訓

晴漪閣詩二

七

伯融以律句見贈推獎過甚愧未足當次韻奉答

淵涵稱大器精粹是純儒十載求真品斯人竟有無多
君抱殊質就我覓長途此意期俱勉同將大雅扶

讀漢樂府題後

一般三婦豔兩婦事機織小婦獨何心閒閒但鳴瑟

道旁逢使君。羅敷不敢顧。從此慎求柔。獨行良可懼。
君子防未然。此語足千古。李下與瓜田。諒哉不能處。
王喬難與期。壽命良可惜。來日真大難。得歡盡今夕。

秋懷四章

西風蕩天地。百卉盡蕭瑟。皎皎檐際花。含姿媚朝日。榮
瘁豈不殊。託處地非一。覆庇多好顏。孤露易摧折。感此
念蕭晨。目勉崇令德。浮榮非所戀。永保在貞吉。前望南
山松。蒼然自孤直。

素琴不挂壁。起坐一再彈。寥寥一寸心。對此千萬端。往

昔操楚奏羣焉。謂南冠改絃作三弄。又謂非猗蘭絲桐
不能言。去就何所安。眾好殊毀譽。獨往無哀歎。本不與
世宜。敢謂知者難。推軫起長望。霜月森夜寒。

少時壯且厲。高志窮四海。有懷未及遂。忽忽易年載。養
拙學灌園。謂有生理在。朝樹桃與李。夕攀蘭與芷。資性
葆勿戕。灌漑日以倍。養根既已至。成實理可待。祇恐草
木心不隨。人意改霜雪。在早暮。珍重勿貽悔。

夸父亦已夸。畢志在虞淵。愚公雖云愚。上帝感其專。靜
躁一念耳。成敗乃忽焉。所以深識士。優游俟其天。微霜

昨夜零木葉飛我前安知春風轉枯槁不再鮮代謝理
固有所業貴不遷及時但勉勵勿徒懷盛年

補藤軒叢桂盛開花下宴集

孤芳偃蹇晚更榮西風一夜秋香生補藤軒中盛丹桂
匝市庭戶交檐楹碎攢金粟散黃雪間以碧葉紛斜橫
濃香酷烈熏正午勁質不與春芳爭花繁色正絕媚媚
對此但覺詩脾清是時秋半景畢呈主人愛客羅羣英
對花張宴花亦喜極意與客相逢迎纈黃一片明屋角
雨際忽覺斜陽晴主人爲言且盡醉兩美易失難合并

晴漪閣詩二十九

去年花開人遠行寂寞久負花間盟難得人來花正好
不醉誰與酬平生我正思家百慮縈忽聞此語心怦怦
人生良會能有幾得酒便合孤懷傾况兼諸子盡英俊
眼底羅列瓊瑤瑛當筵快倒雙玉巵狂論四起鋒鋞驚
填胸磊塊一時吐格格不作蜩蟬鳴莫惜今宵無月明
明月笑我酡顏頰况是照人各圓缺往往苦樂難相衡
不如對花且痛飲爛醉亦足消羈情嗚呼爛醉亦足消
羈情天風習習吹衣輕

九日登平遠樓望隔江諸山

大山連延張玉屏。小山掩護迴重巒。深青紺紫非一色。
隔江都肯來窗櫺。窗中有人坐晴昊。與客佳辰共登眺。
隔宵有約今早來。一路野風吹落帽。天風浩浩山峩峩。
江山四面煙嵐多。憑闌忽地發狂笑。今我不樂云如何。
一春辛苦燕京道。快往悶還皆草草。馬蹄踏碎萬山雲。
車轍碾開千嶂曉。每恨在山不見山。征途鹿鹿塵斑斑。
今來喜對故山好。乍脫羈網開心顏。層樓百尺瞰江滢。
了了江天豁新霽。見山如見故鄉人。山亦爲人發姿媚。
浮嵐掃淨面目真。每從刻露開清新。橫皺側抹皆有致。

晴漪閣詩二

十

髻鬟窈窕長眉顰。別有一峰出深窺。遙接南天合天影。
有時還帶夕陽殷。遠勢更隨飛鳥盡。吁嗟乎。半生浪迹
何所求。骨相豈合誇封侯。有山可隱不歸去。掩面未免
山林羞。且與羣公盡杯酒。爛醉高歌拍銅斗。一聲長嘯
喚山靈。江上諸山定回首。

詠懷古蹟五首

文選樓

文章三代後。此選足千秋。帝子名猶昔。蕭梁去不甦。我
來逢九日。把卷上層樓。欲采馨香薦。茫茫杜若洲。

蕃釐觀

帝子龍舟過，仙人鶴駕迴。
瓊花不可見，黃菊到今開。
碣湖開皇宇，人尋燒劫灰。
後庭歌玉樹，一例有餘哀。

玉鈞斜

風月繁華地，銷沈亦可憐。
一坏同寂寞，千載惜嬋娟。
香夢埋蝴蝶，春魂怨杜鵑。
雷塘方在望，螢火照悽然。

平山堂

在昔高吟地，來游恨我遲。
平山一登眺，異代起相思。
藻當年盛，風流繼者誰。
茫茫今古意，夕照又西馳。

晴空閣

詩篇照天地，先後有羣公。
俯仰懷前哲，登臨出半空。
夕陽開晚霽，急雨洗殘虹。
誰念憑闌者，蕭騷兩鬢風。

甲戌冬月方生伯融招同海甯毛稚雲鴻遇定遠

方雨人汝雨武巨川宗海游焦山由邗出南郭

門放舟途次有作

言踐尋山約，同爲放櫂行。
片帆懸海日，孤艇蹙江聲。
未卽去人遠，先教塵思清。
金焦青兩點，相對眼逾明。

舟次金山日暮未及登眺散步山麓循山而東過

朝陽洞小憩

雙峰連夕夢到此興悠哉落日一帆卸滄波四望開中
流雄氣象天半鬱樓臺欲上層巔去蒼茫暮色催
洞穿巖罅入當面出精廬石壓松門險雲盤澗道紆江
聲趨海近山月照僧孤臥地畱殘碣苔深不可扶

曉登金山絕頂俯仰有懷率成二律

天風吹鬢獨憑闌到此方知眼界寬山色西來青歷歷
江流東去白漫漫迴瀾齧石濤聲壯曉日騰波海氣寒
極目南天莽寥闊一行雲雁下層巒

晴漪閣詩二 十二

兵氣銷除日月光樓臺依舊煥丹黃

自粵匪於此屯兵山中樓觀多毀近

始甚而

十年浩劫驚前夢一夕清游發老狂亂後山川

紛海

西洋諸國竟入內地互市茲山遂爲停泊之所

當時襟帶號巖疆長江

天險堪憑否往事回頭意渺茫

畱玉閣觀蘇文忠公玉帶

善禪不言禪大智匪云智宗門大解脫無言語文字我
公具辨才機轉本無滯胡爲一詞詘頓失舊腰繫劫來
訪遺蹤髮髯見公意知公畱帶心廣大絕邊際匪惟息
言詮抑且非布施參寥爾何有饒舌持半偈永鎮亦何

爲貪得義先。眎山門晝深靜。開篋上虹氣。方員十九版。
錯落列星置。三尺副腰圍。周遭見才地。便便寬博度。落
落平生事。初爲祕殿直。結束趨禁陛。繼作江海遷。綰綬
從吏治。富貴幻泡耳。飄轉乃無次。一夢付春婆。廿年諳
世味。遂令束縛具。甘作敝屣棄。朝衫未能脫。解帶聊自
慰。飯依心則然。舍旃豈無謂。卽今千載下。閱人凡幾輩。

遭遇值

熙朝新

題出

晴漪閣詩二 十三

天製鑄茗垂永久。采玉補凋墜。聲名重當代。珍藂在沒
世。悅鑿誠瑣瑣。豈不以人貴。翹首望文襄。焦巖鎮相對。

焦山有楊文襄公玉帶

同人由金山放船至焦山。余以事入城。約翌日乃

至。晨起大風。鼓櫂竟往。晤諸君於自然庵。

涉險意何勇。橫江一櫂輕。濤翻衝雪起。帆轉截風行。出

沒危磯影。喧逐激浪聲。到門成一笑。游侶肯相迎。

相攜尋徑入。喧寂片時分。窗豁都臨水。鐘寒不隔雲。僧

廚新饌出。佛座古香聞。庵舊名古香精舍便足息塵想。儵然無

垢氛

古香精舍坐月

疾風吹忽定，寂歷生夜寒。居歡惜宴促，酒罷興未闌。開軒俯澄波，潮落江月殘。空明接杳靄，一氣何漫漫。遠煙積中流，隱約窺孤巒。指點極疑似，心測未易殫。是時夜漸深，星斗橫闌干。天高霜氣肅，木落哀雁酸。凜凜不可留，坐久衣裳單。漁舟且安適，舵響聞前灘。

曉登山樓最高處

風鈴響天半，招我如有意。傑閣峙層巖，俯仰足睥睨。同

晴漪閣詩二 十四

游怯登陟，獨往躡苔屐。磴轉層屨高，憑闌發遐眺。晨曦開宿霧，豁達展新霽。萬頃一澄波，孤帆渺天際。我生踟高步，頗爲世網累。快意屬茲游，眺聽極幽異。境空凡想絕，霞迴孤情契。欲下更遲回，天風振衣袂。

別峰庵

清磬出山背，禪蹤何處杳。別尋幽徑入，意外得招提。檐宿寒雲古，林藏石筍齊。僧寮三兩舍，寥落海雲西。

大觀臺望江

不盡寒濤瀉大荒，海天東望思茫茫。地分吳楚千秋壯。

源溯岷峨萬里長終古有聲流日月祇今何處限津梁
儒生別有憑闌意不獨臨風感鬢蒼

三詔洞謁焦隱君像

抗志傳聞此水滄先生清節邈難尋乾坤莽莽瓜廬大
雲海漫漫石隱深三詔風流高漢代千秋姓氏錫山林
客星帝榻酣眠夜曾否巖光有愧心

觀楊忠愍公手蹟題後

忠臣一片血散作墨花碎劫火不敢燒寥寥數行字

歸舟口占

晴漪閣詩二 十五

渡江十里九迴環回首林巒指顧間多謝江風能解事
不教容易別焦山

焦巖五日足清游又買邗江江上舟猶有自然庵畔月
照人今夜宿揚州

晴漪閣詩卷三

丹徒 陳克劬 子勤

祥琴集

居憂服闋無意吟詩有觸而鳴間一成響雖悲愉欣戚致各不同而張夏之琴有若昇之使彈者和與不和不自知矣彙而輯之共爲一卷以誌年來情興

從事安徽學幕大祥夜夢見先慈醒而有作

居憂歲月促奄忽及大祥大祥不得祭行子方越鄉夙昔戒遠游今胡易衷腸謂云無可戀此意豈不傷中夜

晴漪閣詩三

見母來兒在母不忘猶以平生心千里逐兒旁千里何迢迢迢迢復茫茫魂來旣不易况復蒙露霜願言就慈母委蛻南山岡登高望九原獨立心徬徨

九原有弱弟一卮遠相屬母居與爾近仗爾侍寒煖生時慈母意爾愛不余獨今余未能侍左右爾宜勸春風正隴寒秋夜霜露肅母心或念余慰藉爾其篤平生足憂患母也傷窮蹙今當就寂寞母憂更誰告扶將俱賴爾一一慰心曲阿兄牽世界兼以資俯育責在且偷生樂意羨爾足音容隔生死泉壤親骨肉欣戚較何如喟

然輟餐沐

宣城

宣城佳麗地。曠代兩詩才。誰繼青蓮後。言尋謝朓來。山空仍碧水。樓古只蒼苔。我意方難遣。橈歌夕又催。

過琴高臺

乘鯉仙人安在哉。千秋遺迹尙仙臺。橋經雨斷纏楂續。樹帶溪長抱嶺迴。咳水纖鱗纔刊杪。溪產小魚長不及寸名琴魚崖題字半莓苔。幽探未盡仍前路。落日驅車首重回。

琴魚

俗以曝乾點茶云能明目

晴漪閣詩三

二

溪魚間說比空青。我老端須向乞靈。點入瓷甌香勝茗。爲揩眼纈補茶經。

涇縣

四圍青不斷。門巷靄煙霏。山氣常兼雨。溪雲欲上衣。堞環峰影亂。水浸客心微。時見攜筐叟。前村賣紙歸。地產紙宣

城所市皆出於此

由巧峰至藤溪

屢轉行逾曲。回頭徑欲迷。泉高穿澗響。風勁截雲齊。到眼忽塵市。早時曾鼓鼙。人家尙繁富。勝絕是藤溪。

旌德山行

坡陀隨曲折，衣袂襲氤氳。人語隔青嶂，溪聲流白雲。路長羈思急，城近市喧聞。相待勞賢主，殷勤話夜分。

春舫兩次過此均蒙禮接

邑侯廖君

雨過輦嶺

大山突起不見頂，半壓天中半雲影。我須便向此中行，仰首巉崑意先警。緣梯躡磴行屢高，千轉上出爭獐獍。層巔忽到轉忘懼，笑看雲海生波濤。翻銀碎玉殺復起，一白茫茫迷尺咫。絕壁千尋沒其衷，轉似坦途連足底。

晴漪閣詩三

三

東峰乍失西峰晴，巖岫交錯移晦明。人家竹樹互虧蔽，頃刻千態難爲名山行。愛晴雨亦好，如此兩行真絕少。過嶺髻鬢更深杳，髣髴隔簾窺窈窕。山雲作意與我隨，下山迴望仍淋漓。天公示我米顛畫，卻憶鶴林煙雨時。

箬嶺

陡絕高崖似此稀，下方翹首但煙霏。徑懸石棧盤雲上，澗激風泉作雨飛。百丈喬松攢似薺，兩山蒼壁闔成扉。滄畱正好征途促，落日蒼蒼下翠微。

由箬嶺至仙源

太平縣舊稱仙源

路指仙源百里程。下山猶是在山行。花屏萬轉仍當面。
粉壁千家忽近城。背郭水春喧澗響。出林風斧送樵聲。
湖山仙吏會相識。一笑相逢蓋又傾。邑侯鄒雋之名鍾俊去歲於此識荆
民居眞合擬仙家。一徑春風處處花。半就溪雲住雞犬。
別開世界起桑麻。淺流容筏客橫渡。落日在山人采茶。
我幸重來還識路。不同漁父泛虛楂。去歲亦於方春過此

浮田

在太平境內

廣袤徑百畝。與波互容裔。咄哉田亦浮。何事有根蒂。
大地一撮土。亙古積水中。端倪此區區。請驗造化功。

晴漪閣詩三 四

板石

出城半里許。有石橫臥澗中。廣數十丈。其平如砥。俗呼板石。明嘉靖時。蜀人劉雲鶴有詩。

鑑其上云。移盃就溪山。魚鳥來爭酒。呼童分一瓢。化作天邊斗。詩字皆奇古。

隋厲變寬廣。坦然出若浮。積水浸不爛。此板眞千秋。
鏤石當鏤板。吟就石上鏤。好事此詩人。與石成兩絕。

池州道中

到眼忽明瑟。溪山一色鮮。湖田過新雨。江岸動清漣。埂
細纔通路。沙平不礙船。青蒲將翠柳。相待又前川。

李陽河謁昭明太子祠有序

夙聞池州有昭明文選樓。到池訪問居人並無

知者時兵燹之後求志乘檢閱又不可得心甚
歎然四月一日由池往安慶舟行過此風逆不
得發登岸瞻矚則廟祀存焉屋僅三楹略無碑
碣不得其奉祀之由意選樓遺址卽在是歎前
星早殞渥澤未覃而遺愛在人不如蕭梁俱逝
蓋文章之力所及者遠矣式瞻祠像遠慕無已
喟然有作

六經有刪訂在義不在辭大雅日云遠屬辭亦漸漓昭
明病其蕪積卷手自披洪鑪鎔金錫眾器同一規則聞

晴漪閣詩三

五

在當時行卷到處隨安知操筆地非此叢薄祠荒荒叢
薄祠俯仰令我悲帝子不可作繼思將在誰流波日湯
湯灌莽相離離千秋寄返心瞻拜靈其知

潁上口號

前夕客有罵座者

滔滔潁水去何長獨客臨流意渺茫不爲逃名思洗耳
有人曾說灌夫狂

潁州西湖爲前代名流觴詠地舊有亭館之勝今
荒矣同事諸君有約往游聞其頽廢意興頓沮
作詩奉呈

也將勝地說西湖。竟比餘杭顯晦殊。文采風流前輩盡。
亭臺點綴近來無。鳧鷖拍水鞦韆亂。葭菼連雲塔影孤。
聞道蘇隄偏豔冶。霜風不遣柳條枯。

天公著意為韜藏。莫歎沿隄迹太荒。名士自來宜本色。
美人原不藉華妝。軒楹簡樸畱眞意。草木清幽發古香。
有約泛舟應莫負。願陪杖履上輕航。

彭心梅

湘以絕句見示語涉憤惋反其意以廣之

近玩須教藻采工。文魚逐隊漾青紅。崢嶸頭角非凡相。
多事眞龍駭葉公。

晴漪閣詩三六

莫嫌烏喙薄情奴。畱得夷光豔五湖。
女如花滿春殿。祇今能識姓名無。

潁州中秋

西風吹鬢短。天地正孤清。仍作他鄉客。難爲此夜情。
路遙京口渡。潮滿潁州城。那更來天末。南飛雁有聲。
庾樓公譙罷不寐。夜何長。蟾影窺人獨。蟲聲到枕涼。
有懷同耿耿。吾計正茫茫。爲問淮南桂。巖端幾樹芳。

兩頭船歌

有序

兩頭船者江陰沙曉峰駿聲所立新名也舊名

對聯划子船製兩截聯以巨繩余與曉峰由六
安至潁由潁至壽皆乘之外頗壯觀內實逼窄
坐臥地一弓而已船人云此船向但運貨實不
載客官強役之所得不滿二千候伺已十餘日
篙師眷屬日食不給意頗苦之嗟乎余輩徒手
游食安穩乘流猶嫌不適詎知船之受累已如
此乎曉峰取玉簫金管坐兩頭意爲立今名較
昔雅馴因作兩頭船歌告當事者

兩頭船如兩舟中間斷截繫兩頭兩頭牢繫斷復續似

晴漪閣詩三

七

鴉銜尾作一隻中艙置兒女前後度百貨百貨值錢比
客大客但捲曲一弓臥前艙後艙高屢屢出入升降如
緣梯頂平底闊門戶窄一窗如竇僅通日我臥船中意
消沮船戶復來訴冤苦船戶誰陳州人置船裨販贍此
身不行水深行水淺本不載客客勿嗔昨從陳州來胥
吏見之喜一紙官符繫船止袖手淡旬飢欲死豈無官
飯錢錢少口眾食不全一船飢餓忍猶可回首陳州淚
雙墮陳州比年穀不登百錢僅買麥一升小戶無錢買
不得生計但憑人食人聞我釀錢來買麥萬眾歡欣待

朝食不知我船被拘繫日夕沙頭望船至

嗟虞墩虞姬葬處地在鳳陽

失計重瞳不王秦虞兮一曲淚沾巾紛紛布越都亡去

獨殉君王是美人

拚將玉骨化香泥一劍酬恩楚水西畢竟漢家無此事

請看人燕與山雞

興劉亡項事都空高冢依然傍楚宮恨血千年消不盡

春風吹上野花紅虞美人花極豔俗傳為姬魂所化

英雄意氣羞巾幗楚舞終時泣和章能下行人孤憤淚

晴漪閣詩三 八

莫將豔蹟比貞娘

鳳陽過明祖陵感賦

樵蘇不近鳳皇墩體制金陵一樣尊明帝孝陵在金陵昭代加恩禁

民樵采此地亦然屋社已非殷日月陰靈猶護漢陵園豐碑岑

律前王意異代優崇

聖主恩自古玉魚歸葬地松楸幾見百年存

塗山在鳳泗之間相傳為禹會諸侯之所與曉峰

同賦

四山草木尚騰歡百里川原八極寬亙古中天懸日月

當年萬國集衣冠，力驅丁甲開神運。怪鎖支祈遏迅湍。

禹鎖巫支祈於荆山下相傳卽此地至竟平成成已事，誰從俾乂見艱難。

祇餘高樹鬱葱龍，曾見當時劒佩容。五色欲騰靈寶氣。

百神羣翊石壇松。有松蟠屈橫蔭里許人過岳瀆思王會，地控荆

揚識古封南望會稽禹穴探奇何日更攜筇。

沙曉峰以母病卻歸追送不及作此奉寄

書至非佳問嗟君作急裝，余生成永感羨爾夢高堂。旅

食原非計言歸味最長，到家勤視膳猶及菊花黃。

曉起與君別不冠君已行。君科頭出關河滿風雨何處問歸

晴漪閣詩三九

程君浦雲全暗長淮浪，又生栖栖看衣綫。游子若爲情

從試泗州舟行書事

鎖煙關樹黑送暝雨聲來，又向津亭宿相將楚水隈。艱

難行子意宏濟達官才，莫漫思高枕鳴鉦又早催。

欲速翻成滯風迴激怒濤，壓雲船背重蝕岸浪頭高。獨

坐何心想浮生歎鬢毛，年來羈旅慣行矣敢辭勞。

伊昔同舟客茲行不見君，銓寒人影獨天遠雁羣分。失

喜更相遇離懷不可云，堪嗟行太蹇惆悵五河濱。年來每出

必與曉峰同舟數日前曉峰以母病遣返沿途阻風阻雨是夕遂於五河及之

百里盱眙路舟行逐岸斜陰森萬楊樹寥落幾人家點
雪下寒鷺逆風盤暮鴉今宵何處泊相待有蘆花

夜行洪澤湖舟中得四絕句

長淮西去足風沙潁上回舟趣轉賒到眼水鄉風景異
一天霜氣老蒹葭

擲付篙師性命輕近三百里泗州程半艙行李半艙水

一箇破船人夜行

潮落五更天欲霜敗蘆吹折渚風狂早鴉驚冷不離樹
獨雁與人同越鄉

晴漪閣詩三十一

得成薄醉賴村酤一枕篷窗百慮無夢醒忽驚身是客
秋風秋雨過洪湖

泗州已淪於水間有塔在波心天日晴霽塔頂及

天王殿隱隱可見卽南將軍回射賀蘭處也慨

然賦之

地已滄桑恨未消依稀塔影認前朝將軍背裂空回首
此虜情攜坐養驕一矢孤臣家國淚千年餘憤種胥潮
賀蘭至竟歸澌滅洪澤秋深泗水遙

盱眙覽古雜詩

新葉飄零故葉灰。浮雲蕭瑟谷風頽。茫茫心事吾何著。
落日來尋挂劍臺。

暮天蕭瑟楚江雲。三尺荒丘義帝墳。擁立何功死何罪。
一身匏繫最憐君。

湖雲漠漠雨絲絲。一抹遙山鎖翠眉。艤櫂行人最惆悵。
野花開徧楚姑祠。

地有楚姑祠義帝女殉父者也

聞說隋家有舊宮。煙巒都作綺羅叢。繁華至竟歸何處。
落日滿山秋草紅。

都梁山去縣五十里隋建離宮爲避暑地

幻想當年記牧羊。何妨附會更荒唐。淮山便作秦川看。

晴漪閣詩三十一

都是歸從較土場。

洞庭君柳毅遇龍女處在秦之涇上土人遷就入此說本不經容其附會

試院側有玻璃泉。其清冽賦呈同事諸公。

澄明一水淨玻璃。試院東偏位置宜。須向此中勤洗眼。
從來五色易迷離。

曉發來安遇雨率賦四絕

未明各整裝。異趣同所鶩。鳥警入林鏡。人尋下山路。
節序九秋盡。客心悲在途。此行更何賴。所得是霑塗。
十步九傾跌。泥中行苦辛。前途正無際。嗟爾眾輿人。
雨滴役夫頂。肩背作承雷。累人殊不堪。我愆更誰宥。

豐樂亭

時清烽火靖歲儉灾饑延我來干戈後惜非豐樂年
皖境稱稍稔哀鴻尙紛然何以恤民灾所貴守令賢
連山青峩峩淥水鳴濺濺分明禾黍地奈何榛蔓纏
側聞廬陵公頗與民周旋蚤莫旣多豫壺觴攜更便
于何成治理不負佳山川俯仰此遺構懷古情流連

醉翁亭

山行六七里翼然醉翁亭翁去客久散繞亭山更青
當年觴酌處此日行旅經野花尙幽香秀木繁未零
景物

晴漪閣詩三

十一

不自私仿佛地有靈我來縱遐覽兼之懷舊型不飲亦
陶然意得忘醉醒長歌和松風試遣游人聽

由全椒往和州曉行有作

倚衡補宵寐恫怛半醒寤忽開倦時眼卻見前村樹
林寒綠未盡竹翠與交互罨靄蔽人家徑轉目猶寓
霜華融曉日一氣散成霧演漾值微風屋瓦遞藏露
疲形事于役非意得幽趣轉憶昨宵行泥淖不容步
風景良可悅顛覆豈無懼卻羨閉門人臥聽山鳥曙

和州懷古二律

昭關

果然踰絕險，一慟涕霑袍。難限逋臣迹，雄關空自高。楚人思伍尚，越水轟胥濤。忠孝情何屬，英雄心太勞。

烏江

沐猴冠不得，千古楚江情。澎湃奔騰勢，嗚叱咤聲。天心屬炎漢，霸業失南荆。槍絕陰陵道，茫茫大澤橫。

謫仙樓新構落成游賦

先生高詠處，江月照持甌。至竟唐時月，仍明江上樓。我攜黃鶴句，吟對翠螺秋。

樓側為翠螺峰，舊有翠螺書院。

晴漪閣詩三

十三

花處處幽

謫仙終不死，休歎劫餘灰。樓壓滄波起，山橫積翠來。酒星低畫棟，人世幾詩才。吾欲從公問，蒼茫日又隤。

贈別彭心梅

一鶴軒軒迴出塵，看君才氣老彌神。等身著作千秋業，

橐筆關河廿載人。凋盡鬢毛詩卷在，飽嘗世味故鄉親。

適龕歸臥情應適，滿壁圖書不是貧。

君著有適龕詩草，好蓄書積卷甚富。

年來蹤迹共依劉，但遇佳辰輒唱酬。顧我每能迴白眼，

刺船誰遣覓黃頭。他時杖履洮湖月，此夕煙波采石舟。

知否汪倫偏惜別莫辭醉倒謫仙樓

舟中贈朱辛伯傳元

眾中小異此君佳一見傾心兩意皆名士自來多蘊藉
相知原不在形骸古稱交誼朱陳篤今幸同舟李郭偕
時張星門亦同舟莫惜焦巖三日住他時回首渺天涯
時與君約游焦山

元旦試筆歲有禮部試

馬齒日以積鬢毛霜更加得閒已非望那復夢京華

太平鄒明府以卓異入都枉過贈別時仍客安徽使署

晴漪閣詩三十四

失喜高軒過衙齋寂寞時看君仍故態示我有新詩
跌宕平生意經綸夙昔期請看戴星地幾處有瘡痍
百里仙源治官清俗不囂桑麻被田隴絃誦起英髦
往昔驅車過從知撫馭勞逢君一回首杳杳榜山高
兩載逢君飲都從穀雨前今來同把袂又是暮春天
鴻雪蹤能繼鶯花信有緣相將采蘭杜情話共蟬聯
風雲酬壯志又向帝鄉行曉月燕京道滄波海上程
雙鳧期速返五馬待相迎珍重前途別流鶯不斷聲

秋林脫劍圖爲表兄羅耦廉題

有序

歲庚申逆賊由金陵越出其勢蔓延郡城岌岌耦廉竭力籌防逮事平仔肩乃謝是圖所以寄意也爲成此篇

擊劍躍馬論兵事看子當年何意氣內資防禦外轉輸
萬里長城一身寄西連建業東浙西吳江越江紛鼓鞞
孤城保聚作完卵獨與南服支藩籬督師者馮才自前隊
向魁吾子辛勤豈相讓時危借箸仗儒生事定論功歸
守將煙塵掃蕩羣賊囚若者專閭若者俟子也視之猶

晴漪閣詩三 五

敝屣一笑但看雙吳鉤吳鉤與子託肝膽今亦胡爲置
閒散本來烏盡合藏弓此劍此人同一感霜林蕭瑟滿
江城覓句聊騎款段行喧騰萬樹秋風起可是當時戰
馬聲

歸自皖江登郡城樓感賦

吳開楚闔此巖城壁壘西風動旆旌萬里舟車仍輻輳
百年人世幾勳名祇今山色周遭碧終古江流戰伐聲
天塹不殊時局異滄桑回首獨含情
滿目興衰不可云時清變態轉紛紜民居萬室猶荒草

夷市層樓竟切雲。地號咽喉控閩粵。我嗟心腹踞狼羣。
蕭蕭日暮清笳動。太息防江萬甲軍。

晴漪閣詩三

去

受業定遠方燕昭校刊

